

Na osnovu osnovu člana 61. stav (2) Zakona o upravi ("Službeni glasnik BiH, br. 32/02, 102/09 i 72/17), člana 2 i 4. Instrukcije o postupku zaključivanja ugovora o djelu Ministarstva za ljudska prava i izbjeglice Bosne i Hercegovine broj: 01-02-2-3299/18 od 25. 12. 2018. godine, i zaključka sa 142. sjednice Vijeća ministara Bosne i Hercegovine od 15. 5. 2018. godine, Ministarstvo za ljudska prava i izbjeglice Bosne i Hercegovine objavljuje

## **JAVNI POZIV**

### **za prikupljanje prijava za angažman vanjskih saradnika u Izbjegličko-prihvatnom centru „Salakovac“ i Readmisionom centru u Mostaru iz sredstava Podprojekta „Podrška izbjeglicama i migrantima u Bosni i Hercegovini“ za 2019. godinu**

Naručilac posla, Ministarstvo za ljudska prava i izbjeglice Bosne i Hercegovine (u daljnjem tekstu: Ministarstvo) poziva zainteresovane osobe, koje ispunjavaju uslove iz ovog poziva, na podnošenje prijava radi zaključivanja ugovora o djelu sa saradnicima radi adekvatnog prihvata, smještaja i zbrinjavanja osoba pod međunarodnom zaštitom u Bosni i Hercegovini, ranjivih migranata i readmisiranih osoba, a u skladu sa važećim zakonima u BiH i prihvaćenim međunarodnim standardima.

Ugovori se zaključuju na period od 1. 1. 2019. do 30. 4. 2019. godine, s mjestom rada u Izbjegličko-prihvatnom centru „Salakovac“ i Readmisionom centru u Mostaru (u daljem tekstu: Centar).

Potencijalni kandidati ne mogu biti državni službenici, zaposlenici, niti angažovani kao vanjski saradnici ili eksperti na drugim projektima.

Opšti uslovi za poziciju 1. su propisani članom 22. Zakona o državnoj službi u institucijama Bosne i Hercegovine („Službeni glasnik BiH“, br. 19/02, 35/03, 4/04, 17/04, 26/04, 37/04, 48/05, 2/06, 32/07, 43/09, 8/10 i 40/12).

Opšti uslovi za pozicije: 2 – 6. su propisani članom 10. Zakona o radu u institucijama Bosne i Hercegovine („Službeni glasnik BiH“, br. 24/04, 7/05, 48/05, 60/10 i 32/13, 93/17).

Izabrani vanjski saradnici biće angažirani u skladu sa opisima poslova kako slijedi:

#### **1. Viši referent – recepcioni radnik na obezbjeđenju u Centru (7 izvršilaca)**

- obavlja poslove smjenskog rada u centru,
- vrši najavu i prijem stranaka koje dolaze u Centar,
- izdaje propusnice za ulazak u Centar u skladu sa Pravilnikom o smještaju, načinu rada, funkcionisanju i kućnom redu u Izbjegličko-prihvatnom centru „Salakovac“ u Mostaru,
- vrši uvid u odobrenja za ulazak u Centar međunarodnih i domaćih NVO,

- obavještava nadređene o neposrednim zapažanjima ili saznanjima o izvršenju krivičnih djela ili narušavanju JRIM u Centru,
- u hitnim slučajevima kada to okolnosti zahtijevaju o takvom događaju odmah obavještava nadležnu policijsku upravu, o čemu sačinjava posebnu službenu zabilješku.

Pored opštih uslova kandidati trebaju ispunjavati i sljedeće posebne uslove:

- SSS IV stepen,
- najmanje 6 mjeseci radnog iskustva u struci,
- poznavanje rada na računaru.
- poželjno posjedovanje certifikata za fizičku zaštitu i vozačka dozvola B kategorije.

## **2. Domar (4 izvršioca)**

- redovno nedgleda ispravnost instalacija,
- održava vodo i elektroinstalacije,
- obavlja jednostavne stolarske poslove.

Pored opštih uslova kandidati trebaju ispunjavati i sljedeće posebne uslove:

- SSS IV stepen elektrotehničke, mašinske, metalske struke,
- najmanje 6 mjeseci radnog iskustva u struci,

## **3. Higijeničar (3 izvršioca)**

- obavlja higijeničarske poslove u svim zajedničkim prostorijama centra,
- vrši nadzor nad čistoćom prostorija korisnika centra,
- posebno vrši nadzor nad mokrim čvorovima u centru,
- stara se o blagovremenoj opskrbi prostora higijenskim sredstvima,
- o svim uočenim problemima u vezi sa čistoćom obavještava nadređene.

Pored opštih uslova kandidati trebaju ispunjavati i sljedeće posebne uslove:

- SSS IV stepen,
- najmanje 6 mjeseci radnog iskustva u struci.

Ugovor sa izvršiocima posla se sklapa sa Ministarstvom za ljudska prava i izbjeglice BiH, a naknade za vanjske saradnike u Izbjegličko-prihvatnom centru „Salakovac“ i Readmisionom centru u Mostaru finansiraće iz sredstava UNHCR-a koja su osigurana kroz Podprojekat „Podrška izbjeglicama i migrantima u Bosni i Hercegovini“ za 2019. godinu.

Prijave sa biografijom i dokazima o stručnoj spremi, dostavljaju se na adresu:

**Ministarstvo za ljudska prava i izbjeglice Bosne i Hercegovine**

**Trg BiH 1**

**71000 Sarajevo**

**sa naznakom: „Za javni poziv za prikupljanje prijava za angažman vanjskih saradnika u Izbjegličko-prihvatnom centru „Salakovac“ i Readmisionom centru u Mostaru“ iz sredstava Podprojekta „Podrška izbjeglicama i migrantima u Bosni i Hercegovini“ za 2019. godinu**

Prijave se dostavljaju u roku od 7 dana od dana objavljivanja na internet stranici [www.mhrr.gov.ba](http://www.mhrr.gov.ba).

Broj:

Sarajevo, 28.12.2018. godine

MINISTRICA

Semiha Borovac